

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

540. Qualiter hæ regulæ obligent, & obligare desinant.

[urn:nbn:de:hbz:466:1-74485](#)

2. Secunda: ut sub generali facultate conferendi, etiam facta motu proprio, non veniant beneficia hæc reservatione reservata, ut Doctores omnes ad cit. c. licet. Lott. n. 45.

3. Tertia: ut habeat vim specialis inhibitionis; quod tamen hodie ex rationis identitate ad omnes alias reservations est extensum. Lott. num. 46. juxta decis. Rota.

4. Quarta: quod, si concurrant cum eâ reservations alia circa idem beneficium, & omnes in supplicatione narrantur, prout narrari debent, ubi ex eadem vacatio vel persona consurgunt, gratia dispositiva restringatur ad hanc velut dignorem, ita ut alia reservations cum ea concurrentes non intrent, nisi tantum conditionaliter, nimis in ejus defectu; adeoque Papa tanti illam estimat, ut respectu ipsius ceteras quantumcunque praecedentes non videatur curare. Lott. à num. 47. & n. 66. ubi: quod hæc alias omnes reservations praedat, & antevertat, ita ut, dum plures cum ea concurrant, vinculum reservationis censeatur beneficio ex ea prius, atque ita simpliciter injectum. Unde etiam, si hodie erigeretur quocunque beneficium, censeatur erectum sub hac lege, ut quoties vacaret in Curia per obitum, collatio illius Papæ effet reservata; eo quod, ex quo ista reservatio insurgit à jure communi, presumatur fundator se voluisse eidem juri communi conformare in ipsa erectione, nisi de contrario appareat.

PARAGRAPHVS IV. De reservationibus inductis per regulas Cancellariæ; ac pri- mò de inductis per re- gulam primam.

Questio 539. Quid sint hæ regulae, & unde ortum ducant?

1. Respondeo: sunt constitutiones quadam Pontificia majore ex parte concerentes causas & reservations beneficiales (de his enim agitur primâ earum parte usque ad reg. 27. à qua ad 47. de literis Apostolicis expedientis; ab hac usque ad 56. continentur varia constitutiones de dispositionibus Apostolicis expedientis; ab hac regula 56. ad 60. de indulgentiis Apostolicis concedendis & obtinendis; ab hac ad finem usque de beneficiis vacantibus, & certo modo vacaturis, per Papam conferendis. Chok. in rub. reg. Canc. n. 17.) sic dicta, vel quia bona illarum pars concernit expeditionem literarum, quæ in Cancellaria expediuntur, vel quia in Cancellaria publicantur, & regestis configuantur, idque auctoritate Papæ, Chok. loc. cit.

2. Respondeo ad secundum: solet quilibet Pontifex initio sui Pontificatus (hoc est, mox die inse- quente assumptionem seu electionem illius, ut Barb. juris Eccles. l. 3. c. 13. n. 95. cum statim ac ele- ctus administrare possit ante consecrationem, ut Doctores communiter ad c. licet. de elect. Chok. ad proœm. reg. canc. n. 4.) has regulas facere seu reassumere, renovare & publicare, juxta stylum suorum Antecessorum, mutando vel addendo aliiquid, pro- ut negotiorum cursus postulaverit. Castr. cit. d. 2.

p. 17. n. 1. Engels in proœm. num. 14. Porro confu- vête Pontifices non prius eas evulgare, quād ex- cussa fuerint acerrimo judicio præcipiūrum Curia Officialium, maximè verò antiquorum Rota Au- ditorum. Lott. l. 2. q. 41. num. 41. ex Gonz. gl. 30. n. 18. Primus omnium eas edidisse, & sic appella- laſe dicitur Joannes XXII. Engels loc. cit. initium eas habuisse circiter anno 1330. ait Card. de Luca, de benef. d. 1. n. 23.

Questio 540. Qualiter hæ regule obligent, & obligare definant?

1. Respondeo primò: non solum regulæ hæ jus particulare inducunt, seu sunt locales, hoc est, certo loco, v. g. Cancellariæ Romanae circumscriptæ; nam inde, ut dictum, nomen non habent, sed revera jus universale inducunt, seu legum generalium rationem habent, ita ut extra Curiam per orbem totum ligent. Chok. in rub. reg. canc. n. 18. & seq. citans Gomes. in proœm. ad dictas reg. q. 2. n. 4. et si forte in uno altero ve à rigorosa illa legis ratio- ne desinant, v. g. quod morte conditoris exspirent, de quo paulò post. Bass. tom. 2. v. lex. n. 10. citans Azor. p. 1. f. c. 18. q. 11. excipe tamen regulas il- las, quæ non sunt de dandis, & quæ literarum tan- tum expeditionem in Curia faciendam respiciunt; hæ enim jus universale non constituant, nec extra Curiam ligant; sed vim solum constitutionis parti- cularis obtineant; utpote quæ restrictæ sunt ad certum & particularem effectum & locum. Chok. loc. cit. num. 22.

2. Respondeo secundò: incipiunt hæ regulæ li- gare mox à punto constitutionis earum, quod effectum nullitatis actus in contrarium, ita ut provi- sio, etiam bonâ fide facta de beneficio in iis re- servato, sit nulla ob decretum irritans in iis contentum; ad valorem enim sui, dictumq; effectum nullâ alia solenni publicatione egeant; quod effectum tamen incurriendi poenas in iis contentas non li- gent, nisi post publicationem. Chok. ad proœm. reg. canc. n. 20. Barb. & Castr. ll. cit.

3. Respondeo tertio: per mortem cuiuslibet Pontificis eas resumentis vis & auctoritas dicta- rum regularum exspirat, adeoque cellant regulæ reservatoria Sede vacante. Barb. Chok. ll. cit. Ze- rol. in pr. p. 1. v. reg. cancel. §. 7. Gonz. §. 5. proœm. n. 5. Wamel. vol. 1. conf. 245. n. 4. &c. Unde bene- ficia vi earum reservata, Sede Apostolicâ vacante, liberè conferunt Episcopi, seu ordinarii Colla- res, possuntque tanquam soluti vinculo ordinaria suâ potestate providere in quolibet mense. Auto- res idem. Exceptis tamen iis, qui Concordatis Germania sub sunt; hi enim beneficia, etiam Sede papali vacante, in mense papali vacantia provi- de re nequeunt, sed manent illa Papæ succeliori aste- ra. Chok. loc. cit. de quo tamen in contrarium dic- cenda vide infra, ubi de Concordatis Germania. Quip & non solum omnes menses erunt Ordinarii, & hic providere poterit de omnibus, vi regularum Cancellariae reservatis ante assumptionem novi Pontificis; sed etiam antequam is regulas Cancellariae confiruat, seu realfumat, ita ut, si etiam in illo medio tempore ab assumptione usque ad editio- nem regularum vacaret aliquod beneficium in mensibus aliis reservatis, posset de eo providere Ordinarius. Barb. & Chok. ll. cit. ex Gonz. ad reg. 8. §. 5. proœm. n. 46. Quæ tamen intelligenda, nū Papa tempore assumptionis sua dicta benefi-

cis, dum de iis ordinarii collatores adhuc non disposuerint, non reservaverit; quemadmodum Pontifices aliquando solent reservare beneficia omnia, qua vacaverint in mensibus Apostolicis, Sede Apostolica vacante, de quibus ordinarii collatores tempore assumptionis non disposuerint, præsertim ubi Sedes diu vacavit. Chok. loc. cit. n. 21. & ad reg. 1. num. 23.

Quæstio 541. Qualiter regulæ haec, ut ligent, seu juxta extra Curiam, & sententia juxta eas lata subjicitur, sint producenda?

REspondeo, ad hoc responderi per reg. 27. cuius hoc contentum; cum regulæ haec plerumque mutari soleant, dum Pontifices posteriores regulis predecessorum addunt aliquid aut diminuunt, usi sic exigente, hinc, ne occasione hujus mutationis & diversitatis dubium oriretur, merito per hanc reg. 27. ordinatum fuit, regulas Cancel. nullam fidem facere, & non ligare, etiam si milles allegentur in judiciis, nisi ex fonte Cancellariae, & ex mandato Vice-Cancellarii imperatae, in judicio producerentur. Sciendum autem est inter regulas cancelliar. alias esse, quas vocant de dandis, hoc est, quæ partibus penitentibus dari, seu concedi solent, prout sunt omnes ferè judiciales, quæ habent decretum irritans: Alias esse, quæ non sunt de dandis, hoc est, quæ concedi non solent; ed quod dent normam solis Officialibus Cancellariae, quod ad expeditiones literarum, quæ si non sint expedita juxta illarum normam, remittuntur ad Cancellariam corrigendæ, & ista non faciunt fidem extra Curiam. Prioris generis, ut facient fidem extra Curiam, dantur sub plumbo in forma aliarum Bullarum præmissa supplicatione ad Papam. Sufficit autem in Curia, quod dentur per Vicecancellarium sine speciali mandato Papæ, cum subscriptione tamen duorum Abbreviatorum.

2. Porro regula semel in judicio producta in Curia ad instantiam alicujus, potest postea ad illius vel alterius instantiam pro quacunque causa repeti, habitæ de hoc fide à Notario producente; idque ut evitentur expensa & circuitus, & sic habet confuetudo, ut semel in uno judicio prolatæ, in altero inter concives ejusdem territorii produci possit, & fidem faciat, ut Coler. de process. execut.

3. De cetero sententia lata contra regulas, si ea non sint productæ, subsistunt; et si enim pleraque regulæ habeant verba illa in fine apposita: nullius sint roboris, vel momenti, vel similia, quæ alias nullitatem ipso jure inducunt, atque ita etiam sine partis objectu; in casu ramen hoc de stylo Curia Romana requiritur, ut excipiatur de regula, illaque in judicio producatur; dicta enim verba, seu decretum irritans in regula appositum habet tacitam hanc conditionem: si is, cuius favorem respicit, uti voluerit. Et huic sententia tanquam veriori de regulis dicto modo producendis, five ex notoriis sunt, five minus nota, inhæret Mandos. ad cit. reg. 27. q. 1. apud Chok. in rub. reg. canc. n. 21. ipse tamen hic contrariam sequitur sententiam, citatque pro ea Bald. in l. leges sacraissimas. c. de ll. dum id hic limitat, ut non procedat in regulis notis & usitatis, quæ probari possunt per codices regulorum in Urbe impressos, vel quæ glossis variorum Doctorum sunt illustrata, & comprobata, & à pluribus Jurisconsultis explanata, adeoque egere

non videntur aliæ productione ad instar Extravagantium publicarum & notarum, quas ignorare non licet, & contra quos lata sententia est nulla; unde ait, exstante placitum Senatus Sabaudiae, quo indeterminatè definitum; sufficere regulas cancell. allegare, licet non proferantur sub plumbo; ed quod sint notoria. Neque quod in singula ferè lustra mutari possint, quicquam facit, cum non ed minus observari videamus, ut sint perpetuae: itaque, qui correctas & immutatas dicter, id ipsum probare debet; ita dictum decretum Sabaudiae, quod ex Fabro & Vamesio ibidem recitat Choch.

Quæstio 542. An, & quando derogetur regulis cancellariae per alias constitutiones, ordinationes, vel rescripta Apostolica?

REspondeo per nullam derogationem generalem, quamvis prægnantem & amplissimam derogatum censetur his regulis. Lott. l. 2. q. 39. n. 19. Chok. in proœm. reg. cancell. num. 31. ex Comes. ad idem proœm. q. 4. n. 2. ubi etiam, quod stylus cancell. à Rota receperit ita servet ac disponat, ut sub clausula generali: non obstantibus constitutionibus & ordinationibus Apostolice: non velit comprehendere regulas Cancellariae: sed opus esse, ut specialiter eis derogetur, vel ut istiusmodi derogatio generalis fieret, non per viam rescripti, sed legis; in quo casu per dictam clausulam generalem; non obstantibus constitutionibus, &c. censetur derogatum regulis Cancellariae, non facta earum mentione, ut haber Gemin. in cap. cum non deceat. de elect. in 6. apud Chok. loc. cit.

2. Respondeo secundum: sed neque per clausulam: non obstantibus: regulis Cancell. positam in literis Apostolicis censeri derogatum regulis Cancellariae judicialibus notoriori, nempe de annali, triennali, surrogandis &c. quinimo illud de stylo Cancellariae indistinctè servari, ut per dictam clausulam non censeantur sublatæ regulæ, nisi earum expressa fiat mentio; atque ad eorum tenor in principio literarum narretur, tradit Chok. loc. cit. n. 23. quod ait, ita tamen limitari à Comesio; nisi in gratia vel supplicatione poneretur clausula generalis: quarum tenores habeantur pro expressis; talis enim casu censi derrogatum dictis regulis, pro quo citat quæplurimos Autores.

Quæstio 543. Quenam reservationes continentur in regula prima Cancell.

REspond. primò: contineri omnes illas, quæ continentur in Extrav. ad regimen. de præb. inter communes, quæ est Benedicti XII. Item quæ continentur in Extrav. Execrabilis. inter communes. de præb. (quæ eadem est cum illa, quæ ponitur inter Extravagantes Joannis XXII. nisi quod diversi glossatores habeant ut Pith.) & est Joannis XXII. utpote quas Extravagantes, ut dictum, innovat, & locum habere vult hæc prima regula; & vel sic eas reddit perpetuas, cum de se essent temporales, saltem prima. Castrop. cit. p. 17. n. 2. Garc. p. 5. c. 1. num. 192.

2. Harum Extrav. reservationes insuper extendit & auger hæc prima reg. Primò, dum vult & declarat, ut reservatio dicta Extrav. ad regimen. locum quoque habeat in beneficiis, quæ Officialis Sedis Apostolicae ibi expressi obtinebant, esto, tempore obitū Officialis esse desierint; & esto, beneficia illa affectui non fuerint tempore officii,

T 2 sed